

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-116/12
Sarajevo, 23.2.2012. godine

Z A P I S N I K

8. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 16. i 23. februara 2012. godine

Sjednica je počela u 10.46.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, premijera Nermina Nikšića, zamjenika premijera Desnicu Radivojevića, ministre u Vladi Federacije BiH, predstavnike sindikata, predstavnike nevladinih organizacija i predstavnike akreditiranih medijskih kuća koji prate rad sjednice.

Izostanak sa sjednice opravdali su: Zora Dujmović, Edina Papo, Slobodan Tomić, Mukadesa Anadolac, Milenko Bandur, Janja Ivić i Đuro Prkačin.

Na osnovu evidencije Stručne službe, predsjedavajuća je konstatovala da sjednici prisustvuje 40 delegata, što čini većinu, te Dom naroda može raditi i punovažno odlučivati.

Nakon toga predsjedavajuća je dala na glasanje zapisnike 5. i 6. vanredne sjednice Doma naroda i Zapisnik 7. sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, bez primjedbi, usvojio:

- Zapisnik 5. Vanredne sjednice Doma naroda Parlamenta Federacije BiH, održane 20.12.2011. godine (32 glasa za, tri uzdržana i jedan glas protiv),

- Zapisnik 6. Vanredne sjednice Doma naroda Parlamenta Federacije BiH, održane 11.1.2012. godine (36 glasova za, jedan uzdržan i jedan glas protiv),

- Zapisnik 7. sjednice Doma naroda Parlamenta Federacije BiH, održane 8. i 20.12.2012. godine (35 glasova za, tri uzdržana i jedan glas protiv).

Predsjedavajuća je podsjetila delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

Delegatska pitanja i inicijative

Dževad Rađo izrazio je nezadovoljstvo dobijenim odgovorom vezano uz diskriminaciju jednog dijela građana Federacije Bosne i Hercegovine koji dolaze

iz boračke populacije a odnosi se na pripadnike Armije RBiH, Hrvatskog vijeća obrane i MUPRBiH koji su odlikovani. Ponovo je istakao neophodnost donošenja zakona o prihodovnom cenzusu za sve budžetske korisnike koji bi se trebao primjeniti za sve boračke kategorije i druge budžetske korisnike kako se ne bi dovodila samo ova kategorija boraca u neravnopravan položaj koji su bili heroji oslobodilačkog rata.

Zijat Mušić izrazio je nezadovoljstvo dobijenim odgovorima Federalnog ministarstva za pitanja boraca i invalida odbrambeno-oslobodilačkog rata i Federalnog ministarstva rada i socijalne politike od kojih je tražio da se ispoštuje odluka Ustavnog suda Federacije BiH i zaključci domova Parlamenta Federacije BiH i donese zakon o povoljnijem penzionisanju svih pripadnika oružanih snaga Bosne i Hercegovine koji ispunjavaju uvjete te na taj način otkloniti diskriminaciju pojedinih pripadnika oružanih snaga Bosne i Hercegovine.

Zahid Bašić zatražio je dopunu odgovora od Agencije za vodno područje sliva rijeke Save a odnosi se da dobijanje dostave izvoda iz plana Agencije za 2012. godinu u kojem se nalazi iznos od 800.000 KM predviđen za regulaciju korita rijeke Spreče.

Radoje Vidović je, ispred Kluba delegata hrvatskog naroda, podržao inicijative Dževada Rađe i Zijata Mušića za donošenje zakona o prihodovnom cenzusu i zakona o povoljnijem penzionisanju kojim bi se otklonila diskriminacija pojedinih pripadnika oružanih snaga Bosne i Hercegovine.

Sretko Radišić zahvalio je Federalnom ministarstvu rada i socijalne politike na dobijenim odgovorima. Prokomentarisao je odgovor u vezi sa primjenom člana 143. Zakona o radu izjavivši da postoji razlika u praksi u odnosu na informaciju tog ministarstva što se posebno odnosi na povratničku populaciju. Također, zahvalio je Federalnom zavodu za zapošljavanje na dostavljenoj analizi stanja na tržištu potreba za određenim profilom stručnih kadrova.

Josip Perić izrazio je nezadovoljstvo nedobijenim odgovorima na postavljena pitanja a posebno odgovorom od federalnog ministra za pitanja boraca i invalida odbrambeno-oslobodilačkog rata koji se odnosi na broj i nacionalnu strukturu zaposlenih u Ministarstvu.

Također, pokrenuo je dvije inicijative i postavio jedno delegatsko pitanje.

Pokrenuo je inicijativu za održavanje tematske sjednice na kojoj bi se razmatralo stanje u Federalnom ministarstvu za pitanja boraca i invalida odbrambeno-oslobodilačkog rata. Zatražio je da se objavi registar svih učesnika odbrambeno-oslobodilačkog rata i svih korisnika bilo kakvih primanja i prava ostvarenih po bilo kom osnovu u Federaciji BiH.

Pokrenuo je inicijativu za održavanje tematske sjednice o stanju privrede u Federaciji BiH sa podtačkom – Stanje u segmentu namjenske industrije sa mogućim mjerama za poboljšanje stanja.

Postavio je pitanje Vladi Federacije a odnosi se na to da uprava Razvojne banke Federacije BiH nije ispoštovala zaključak Vlade Federacije o obavezi uplate sredstava prikupljenih od komisionih kredita u budžet Federacije BiH.

Drago Puzigaća izrazio je nezadovoljstvo zbog nedobijenih odgovora na postavljena pitanja i zatražio ponovo pisane odgovore na postavljena pitanja izjavivši da će ih ponavljati na svakoj sjednici dok ih ne dobije.

Mustafa Kurtović postavio je dva delegatska pitanja.

Prvo pitanje postavio je Vladi Federacije upitavši je da li sadašnji saziv Vlade Federacije stoji na stanovištu usvojene Strategije izgradnje elektro-energetskih objekata u Federaciji BiH.

Drugo pitanje je, također, postavio Vladi Federacije a odnosi se na to da li sadašnja vlada podržava Strategiju izgradnje autocesta i brzih cesta koju je usvojila prošla vlada.

Vesna Saradžić pokrenula je inicijativu prema Kolegiju Doma naroda za formiranje etičke komisije u Domu naroda.

Segmedina Srna-Bajramović postavila je pitanje u kojoj fazi je izrada Pravilnika kojim će se regulisati iznos sredstava iz Budžeta Federacije BiH potreban za izdržavanje djece čiji roditelji nisu u mogućnosti da ih izdržavaju.

Amir Zukić pokrenuo je inicijativu za formiranje jedinstvenog porodijskog fonda na nivou Federacije BiH i izmjenu i dopunu svih zakona koji se odnose na porodilje s ciljem povećanja nataliteta u Federaciji BiH.

Branislav Crnogorac zatražio je od Vlade Federacije informaciju o visini plaća uposlenika u federalnim preduzećima, javnim ustanovama, zavodima, direkcijama i agencijama, naknada predsjednika i članova nadzornih i upravnih odbora, skupština, direktora i menadžera u federalnim preduzećima, javnim ustanovama, zavodima, direkcijama i agencijama. Zatražio je mišljenje resornih ministara o neophodnosti menadžerskih ugovora u ovim institucijama.

Radoje Vidović zatražio je od Federalnog ministarstva poljoprivrede, vodoprivrede i šumarstva podatke o svim isplaćenim poticajima za poljoprivredu u Srednjobosanskom kantonu u 2011. godini.

Zoran Jovanović zahvalio je Federalnom ministarstvu prometa i komunikacija na odgovorima na inicijative koje se odnose na rekonstrukciju putnih oznaka naseljenih mjesta od Mostara do graničnog prijelaza Doljani i na postavljanje putne oznake naseljenog mjesta u naselju Požarnica na cesti Tuzla-Bijeljina.

Almedin Aliefendić pokrenuo je inicijativu i postavio delegatsko pitanje.

Pokrenuo je inicijativu za učešće Vlade Federacije i Federalnog ministarstva kulture i sporta u sanaciji Doma kulture u Kaknju.

Postavio je pitanje Vladi Federacije kada će dostaviti mišljenje o Prijedlogu Zakona o izmjenama i dopunama Zakona o izvršnom postupku koji je na 7. sjednici od 8.12.2011. godine predložio Klub delegata bošnjačkog naroda.

Sretko Radišić je, ispred Kluba delegata srpskog naroda, postavio pitanje Federalnom ministarstvu obrazovanja i nauke a odnosi se na to koji su efekti u suštinskom smislu ostvareni u provedbi bolonjskog procesa u okviru reforme visokog obrazovanja u Bosni i Hercegovini.

Zahid Bašić postavio je pitanje Federalnom ministarstvu pravde - da li vještaci građevinske struke koje je imenovalo ovo ministarstvo mogu vršiti procjenu građevinskih objekata i da li banke imaju pravo unaprijed odrediti

sudskog vještaka od kojeg prihvataju ocjenu vrijednosti nekretnine koja se uzima kao zalag za odobrenje kredita.

Aner Žuljević je, vezano uz nevrijeme koje je zadesilo Mostar, postavio pitanje da li se i kako kažnjavaju fizička lica koja prodaju sekundarne sirovine uništenih objekata od općeg interesa, da li se kažnjavaju firme koje vrše otkup takvih materijala i u kojim situacijama se izriče kazna zabrane obavljanja djelatnosti.

Ivo Divković pokrenuo je inicijativu da Vlada Federacija obaveže javna preduzeća i duge privredne subjekte gdje Vlada polaže pravo upravljanja da, po završnom računu za prethodnu godinu, izdvoje sredstava za podsticajne otpremnine radnicima koji ispunjavaju uvjete za prijevremeno penzionisanje, kako bi se oslobodila radna mjesta za prijem mladih nezaposlenih ljudi.

Nakon postavljenih delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije dostavila Prijedlog Zakona o izmjenama i dopunama Zakona o Željeznicama Federacije BiH, Prijedlog Zakona o dopuni Zakona o eksproprijaciji, Prijedlog Zakona o izmjenama Zakona o budžetima u Federaciji BiH i Prijedlog Zakona o izmjenama i dopunama Zakona o Poreznoj upravi Federacije BiH sa prijedlogom da se razmatraju po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz četiri uzdržana glasa i uz sedam glasova protiv, prihvatio da se Prijedlog Zakona o izmjenama i dopunama Zakona o Željeznicama Federacije BiH razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz pet uzdržanih glasova i uz šest glasova protiv, prihvatio da se Prijedlog Zakona o dopuni Zakona o eksproprijaciji razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz šest uzdržanih glasova i uz šest glasova protiv, prihvatio da se Prijedlog Zakona o izmjenama Zakona o budžetima u Federaciji BiH razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz pet uzdržanih glasova i uz sedam glasova protiv, prihvatio da se Prijedlog Zakona o izmjenama i dopunama Zakona o Poreznoj upravi Federacije BiH razmatra po hitnom postupku.

Također, Vlada Federacije dostavila je Prijedlog Zakona o dopunama Zakona o visini stope zatezne kamate na javne prihode sa prijedlogom da se razmatra po hitnom postupku. Budući da je Predstavnički dom razmatrao ovaj zakon u formi nacrt, Kolegij je predložio da i Dom naroda razmatra ovaj zakon u formi nacrt.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 31 glasom za, uz četiri uzdržana glasa i uz šest glasova protiv, prihvatio da se Prijedlog Zakona o dopunama Zakona o visini stope zatezne kamate na javne prihode razmatra u formi nacrt Zakona.

Vlada Federacije dostavila je Prijedlog Zakona o izmjenama i dopunama Zakona o pravosudnom ispitu sa prijedlogom da se razmatra po skraćenom postupku.

Budući da je Predstavnički dom razmatrao ovaj zakon u formi nacrt, Kolegij je predložio da i Dom naroda razmatra ovaj zakon u formi nacrt. Delegati su, sa 36 glasova za, uz dva glasa protiv i uz tri uzdržana glasa, prihvatili da se Prijedlog Zakona o izmjenama i dopunama Zakona o pravosudnom ispitu razmatra u formi nacrt Zakona.

Također, Vlada Federacije dostavila je Nacrt Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama. Budući da je Predstavnički dom razmatrao ovaj zakon u formi prijedloga po hitnom postupku, Kolegij je predložio da i Dom naroda razmatra ovaj zakon u formi prijedloga po hitnom postupku.

Sa 35 glasova za i uz dva glasa protiv, delegati su prihvatili da se Nacrt Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama razmatra u formi prijedloga po hitnom postupku.

Kolegij Doma naroda predložio je da se 12. tačka predloženog dnevnog reda – Nacrt Programa rada Doma naroda Parlamenta Federacije BiH za 2012. godinu - skine sa dnevnog reda jer je delegatima dostavljen pred sjednicu budući da je rađen na osnovu Programa rada Vlade Federacije koji je stigao pred sjednicu, što su delegati prihvatili.

Zijat Mušić predložio je da se u dnevni red sjednice uvrsti tačka - Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima po hitnom postupku. Ivo Tadić je izjavio da Klub delegata hrvatskog naroda podržava ovaj prijedlog.

Vjekoslav Čamber, federalni ministar rada i socijalne politike, izjavio je da Vlada Federacije priprema zakon koji će riješiti ovu problematiku.

Zijat Mušić je predložio da se Prijedlog Zakona o izmjenama i dopunama Zakona o potvrđivanju prava na prijevremenu starosnu penziju ostvarenu pod povoljnijim uvjetima po hitnom postupku uvrsti kao 1. tačka dnevnog reda 9. sjednice zakazane za četvrtak, 23.2.2012. godine, kako bi delegati i Vlada Federacije imali vremena da se bolje upoznaju sa ovim prijedlogom Zakona.

Radoje Vidović je, ispred Kluba delegata hrvatskog naroda, predložio da se 9. tačka - Nacrt Prostornog plana Federacije BiH za period od 2008. do 2028. godine - skine sa dnevnog reda jer, prema njegovom mišljenju, nije ispoštovana ustavna i zakonska procedura prilikom utvrđivanja ovog nacrt.

Na osnovu rezultata glasanja, predsjedavajuća je konstatovala da Dom naroda Parlamenta Federacije nije prihvatio ovaj prijedlog jer je za glasalo 18 delegata, 18 delegata je bilo protiv, a pet delegata je bilo uzdržano.

Prešlo se na glasanje o dnevnom redu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 30 glasova za, uz tri glasa protiv i uz devet uzdržanih glasova, usvojio sljedeći:

DNEVNI RED

1. Prijedlog Zakona o izmjenama i dopunama Zakona o Željeznicama Federacije BiH – hitni postupak,
2. Prijedlog Zakona o dopuni Zakona o eksproprijaciji – hitni postupak,
3. Prijedlog Zakona o izmjenama Zakona o budžetima u Federaciji BiH – hitni postupak,
4. Prijedlog Zakona o izmjenama i dopunama Zakona o Poreznoj upravi Federacije BiH – hitni postupak,
5. Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama – hitni postupak,
6. Nacrt Zakona o dopunama Zakona o visini stope zatezne kamate na javne prihode,
7. Nacrt Zakona o izmjenama i dopunama Zakona o pravosudnom ispitu,
8. Nacrt Zakona o izmjenama i dopunama Zakona o federalnim upravnim taksama i tarifi federalnih upravnih taksi,
9. Nacrt Prostornog plana Federacije BiH za period od 2008. do 2028. godine,
10. Izvještaj Parlamentarne komisije odgovorne za reviziju o revizijskom izvještaju Budžeta Federacije BiH za 2009. i 2010. godinu,
11. Izvještaj o radu Nadzornog odbora Federalnog zavoda za penzijsko i invalidsko osiguranje za 2010. godinu,
12. Izvještaj o provedenoj javnoj raspravi o Nacrtu Zakona o koncesijama u Federaciji BiH,
13. Izbori i imenovanja.

Predsjedavajuća je podsjetila delegate da će se obaviti rasprava o svim tačkama dnevnog reda, a glasanje obaviti na kraju sjednice.

1. Prijedlog Zakona o izmjenama i dopunama Zakona o Željeznicama Federacije BiH

Prijedlog Zakona utvrdila je Vlada Federacije.

Predstavnički dom je na 9. sjednici od 21.12.2011. godine usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Enver Bijedić, federalni ministar prometa i komunikacija.

U raspravi je učestvovao predsjednik Kluba delegata hrvatskog naroda Radoje Vidović.

2. Prijedlog Zakona o dopuni Zakona o eksproprijaciji

Prijedlog Zakona utvrdila je Vlada Federacije.
 Predstavnički dom je na 9. sjednici od 21.12.2011. godine usvojio Prijedlog Zakona u tekstu kako ga je predložila Vlada Federacije.
 Prijedlog Zakona razmatrala su nadležna radna tijela i dostavila izvještaje.
 Prijedlog Zakona obrazložio je Zoran Mikulić, federalni ministar pravde.
 U raspravi niko nije učestvovao.

3. Prijedlog Zakona o izmjenama Zakona o budžetima u Federaciji BiH

Prijedlog Zakona utvrdila je Vlada Federacije.
 Predstavnički dom je na nastavku 10. sjednice od 29.12.2011. godine usvojio Prijedlog Zakona u tekstu kako ga je predložila Vlada Federacije.
 Prijedlog Zakona razmatrala su nadležna radna tijela i dostavila izvještaje.
 Prijedlog Zakona obrazložio je Zoran Mikulić, federalni ministar pravde.
 U raspravi niko nije učestvovao.

4. Prijedlog Zakona o izmjenama i dopunama Zakona o Poreznoj upravi Federacije BiH

Prijedlog Zakona utvrdila je Vlada Federacije.
 Predstavnički dom je na 11. sjednici od 25.1.2012. godine usvojio Prijedlog Zakona sa četiri amandmana koja je Vlada Federacije prihvatila, pa su postali sastavni dio Prijedloga Zakona. Amandmani se odnose na čl. 8., 9., 3. stav 2. i član 4. stav 2. Prijedloga Zakona.
 Prijedlog Zakona razmatrala su nadležna radna tijela i dostavila izvještaje.
 Prijedlog Zakona obrazložio je Ante Krajina, federalni ministar finansija.
 U raspravi niko nije učestvovao.

5. Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama

Zakon je utvrdila Vlada Federacije u formi nacрта.
 Predstavnički dom je na 11. sjednici od 25.1.2012. godine razmatrao ovaj zakon u formi prijedloga Zakona po hitnom postupku i usvojio ga u tekstu kako je predložila Vlada Federacije.
 Zakon su razmatrala nadležna radna tijela i dostavila izvještaje.
 Prijedlog Zakona obrazložio je Zoran Mikulić, federalni ministar pravde, koji je izjavio da se u Prijedlogu Zakona iza broja „59/05“ slovo „i“ zamjenjuje zarezom a iza broja „68/05“ dodaju riječi: „i 81/11“. Također, izjavio je da se u

članu 4. riječ „osmog“ zamjenjuje riječju „narednog“ jer se radi o Zakonu koji se razmatra po hitnom postupku.

U raspravi niko nije učestvovao.

6. Nacrt Zakona o dopunama Zakona o visini stope zatezne kamate na javne prihode

Zakon je utvrdila Vlada Federacije.

Predstavnički dom je na 11. sjednici od 25. i 26.1.2012. godine razmatrao ovaj zakon u formi nacrtu i Zaključkom ga prihvatio.

Zakon su razmatrala nadležna radna tijela i dostavila izvještaje.

Na Prijedlog Zakona amandmane su podnijeli delegati Salko Selman i Amel Hadžiabdić koji su dostavljeni Vladi Federacije na izjašnjenje. Budući da je Zakon pretvoren u nacrt, amandmani će se tretirati kao primjedbe na Nacrt Zakona.

Prijedlog Zakona obrazložio je Ante Krajina, federalni ministar finansija.

Salko Selman je obrazložio Izvještaj Odbora za ekonomsku i razvojnu politiku, finansije i budžet.

U raspravi su učestvovali: Jasmin Smailbegović, Josip Perić, Zoran Jovanović, Hajrudin Bećirović, Senahid Šaković i Ivo Divković.

7. Nacrt Zakona o izmjenama i dopunama Zakona o pravosudnom ispitu

Zakon je utvrdila Vlada Federacije.

Predstavnički dom je na 10. sjednici od 28.12.2011. godine razmatrao ovaj zakon u formi nacrtu i Zaključkom ga prihvatio.

Zakon su razmatrala nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

U raspravi nije niko učestvovao.

8. Nacrt Zakona o izmjenama i dopunama Zakona o federalnim upravnim taksama i tarifi federalnih upravnih taksi

Nacrt Zakona utvrdila je Vlada Federacije.

Predstavnički dom je na nastavku 9. sjednice od 22.11.2011. godine razmatrao Nacrt Zakona i Zaključkom ga prihvatio. Tom prilikom Nacrt Zakona upućen je na javnu raspravu.

Zakon su razmatrala nadležna radna tijela i dostavila izvještaje.

Nacrt Zakona obrazložio je Ante Krajina, federalni ministar finansija.

U raspravi nije niko učestvovao.

9. Nacrt Prostornog plana Federacije BiH za period od 2008. do 2028. godine

Nacrt Prostornog plana utvrdila je Vlada Federacije.

Predstavnički dom je na 11. sjednici od 26.1.2012. godine razmatrao Nacrt Plana i Zaključkom ga prihvatio. Tom prilikom Nacrt Plana upućen je na javnu raspravu.

Nacrt Plana razmatrala su nadležna radna tijela i dostavila izvještaje.

Nacrt Zakona obrazložili su Desnica Radivojević, federalni ministar prostornog uređenja, i Zlatan Lazarevski iz Urbanističkog zavoda Bosne i Hercegovine.

Vesna Saradžić izjavila je da Odbor za prostorno uređenje, ekologiju i stambeno-komunalne poslove nije razmatrao ovaj nacrt jer nije bilo kvoruma za rad Odbora.

U raspravi su učestvovali: Mustafa Kurtović, Radoje Vidović, Vesna Nemeć-Klisura, Desnica Radivojević i Zlatan Lazarevski.

10. Izvještaj Parlamentarne komisije odgovorne za reviziju o revizijskom izvještaju Budžeta Federacije BiH za 2009. i 2010. godinu

Ured za reviziju institucija u Federaciji BiH dostavio je Parlamentu Federacije BiH revizorske izvještaje o izvršenju Budžeta Federacije BiH za 2009. i 2010. godinu.

Parlamentarna komisija odgovorna za reviziju razmatrala je izvještaje i dostavila svoj Izvještaj.

Predstavnički dom je na 9. sjednici od 28.1.2012. godine usvojio Izvještaj Parlamentarne komisije odgovorne za reviziju o revizijskom izvještaju Budžeta Federacije BiH za 2009. i 2010. godinu.

Revizorske izvještaje o izvršenju Budžeta Federacije BiH za 2009. i 2010. godinu obrazložio je Ibrahim Okanović, generalni revizor Ureda za reviziju institucija u Federaciji BiH.

Sladjan Ilić, zamjenik predsjednika Parlamentarne komisije odgovorne za reviziju, obrazložio je Izvještaj Komisije.

U raspravi su učestvovali: Mira Ljubijankić, predsjednica Kluba delegata srpskog naroda, Ibrahim Okanović, Hajrudin Bećirović i Dževad Rađo.

11. Izvještaj o radu Nadzornog odbora Federalnog zavoda za penzijsko i invalidsko osiguranje za 2010. godinu

Na osnovu člana 9. Zakona o organizaciji penzijskog i invalidskog osiguranja Nadzorni odbor podnio je Izvještaj o svom radu Vladi Federacije, koja je prihvatila ovaj izvještaj i dostavila ga Parlamentu Federacije radi usvajanja.

Predstavnički dom je na nastavku 11. sjednice od 26.1.2012. godine prihvatio Izvještaj o radu Nadzornog odbora Federalnog zavoda za penzijsko i

invalidsko osiguranje za 2010. godinu. Tom prilikom Predstavnički dom je usvojio zaključke.

U raspravi niko nije učestvovao.

12. Izvještaj o provedenoj javnoj raspravi o Nacrtu Zakona o koncesijama u Federaciji BiH

Izvještaj o provedenoj javnoj raspravi dostavio je Odbor za privredu.

Izvještaj Odbora je obrazložio Hajrudin Bećirović, predsjednik Odbora.

U raspravi je učestvovala Mira Ljubijankić.

Potpredsjedavajući Doma naroda Jasmin Smailbegović, koji je tada predsjedavao sjednicom zbog nedostatka kvoruma prekinuo je sjednicu i izjavio da će se nastaviti 23.2.2012. godine.

Sjednica je prekinuta u 16.05.

NASTAVAK 8. SJEDNICE, održane 23.2.2012. godine

Sjednica je počela u 10.50.

Sjednici je predsjedavala Karolina Pavlović, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije BiH Živka Budimira, zamjenika premijera Jerku Ivankovića-Lijanovića, ministricu i sve ministre u Vladi, predstavnike medija i nevladinih organizacija.

Izostanak sa sjednice opravdao je Slaviša Mihajlović.

Na osnovu evidencije Stručne službe, predsjedavajuća je konstatovala da sjednici prisustvuje 49 delegata, što čini većinu, te Dom naroda može raditi i punovažno odlučivati.

Predsjedavajuća je upoznala delegate da je predsjednica Komisije za izbor i imenovanje Daliborka Milović predložila da se tačka - Izbor i imenovanja - koja je bila predviđena za razmatranje na nastavku 8. sjednice razmatra na 9. sjednici, što su delegati i prihvatili.

Predsjedavajuća je podsjetila delegate da je zaključena rasprava o svim tačkama 8. sjednice te je pozvala delegate da glasaju.

1. Prijedlog Zakona o izmjenama i dopunama Zakona o Željeznicama Federacije BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, uz 12 uzdržanih glasova i uz tri glasa protiv, usvojio Prijedlog Zakona o izmjenama i dopunama Zakona o Željeznicama Federacije BiH.

2. Prijedlog Zakona o dopuni Zakona o eksproprijaciji

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za, uz osam uzdržanih glasova i uz četiri glasa protiv, usvojio Prijedlog Zakona o dopuni Zakona o eksproprijaciji.

3. Prijedlog Zakona o izmjenama Zakona o budžetima u Federaciji BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 33 glasa za, uz osam uzdržanih glasova i uz četiri glasa protiv, usvojio Prijedlog Zakona o izmjenama Zakona o budžetima u Federaciji BiH.

4. Prijedlog Zakona o izmjenama i dopunama Zakona o Poreznoj upravi Federacije BiH

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za, uz 11 uzdržanih glasova i uz tri glasa protiv, usvojio Prijedlog Zakona o izmjenama i dopunama Zakona o Poreznoj upravi Federacije BiH.

5. Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 42 glasa za i uz dva uzdržana glasa, usvojio Prijedlog Zakona o dopuni Zakona o utvrđivanju naseljenih mjesta i o izmjenama u nazivima naseljenih mjesta u određenim općinama.

6. Nacrt Zakona o dopunama Zakona o visini stope zatezne kamate na javne prihode

Sa 35 glasova za, uz tri glasa protiv i uz sedam uzdržanih glasova, Dom naroda Parlamenta Federacije usvojio je sljedeći:

Z A K L J U Č A K

1. Dom naroda Parlamenta Federacije BiH prihvata Nacrt Zakona o dopunama Zakona o visini stope zatezne kamate na javne prihode i smatra da može poslužiti kao osnov za izradu prijedloga Zakona.

2. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

7. Nacrt Zakona o izmjenama i dopunama Zakona o pravosudnom ispitu

Sa 32 glasa za, uz dva glasa protiv i uz 10 uzdržanih glasova, Dom naroda Parlamenta Federacije usvojio je sljedeći:

ZAKLJUČAK

Dom naroda Parlamenta Federacije BiH prihvata Nacrt Zakona o izmjenama i dopunama Zakona o pravosudnom ispitu i smatra da može poslužiti kao osnov za izradu prijedloga Zakona.

8. Nacrt Zakona o izmjenama i dopunama Zakona o federalnim upravnim taksama i Tarifi federalnih upravnih taksi

Sa 35 glasa za, uz četiri glasa protiv i uz devet uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Zakona o izmjenama i dopunama Zakona o federalnim upravnim taksama i Tarifi federalnih upravnih taksi i smatra da može poslužiti kao osnov za izradu prijedloga Zakona.
2. Zadužuje se Vlada Federacije da u roku od 30 dana organizira i provede javnu raspravu.
3. Zadužuje se Vlada Federacije da prilikom izrade prijedloga Zakona ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

9. Nacrt Prostornog plana Federacije BiH za period od 2008. do 2028. godine

Sa 34 glasa za, uz devet glasova protiv i uz tri uzdržana glasa, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Nacrt Prostornog plana Federacije BiH za period od 2008. do 2028. godine i smatra da može poslužiti kao osnov za izradu prijedloga Zakona.
2. Zadužuje se Vlada Federacije, odnosno resorno ministarstvo kao ovlašteni predlagač da u roku od 60 dana organizira javnu raspravu.
3. Zadužuje se Vlada Federacije da prilikom izrade prijedloga Prostornog plana ima u vidu primjedbe, prijedloge i sugestije iznesene na sjednici, kao i one iznesene u javnoj raspravi.

10. Izvještaj Parlamentarne komisije odgovorne za reviziju o revizijskom izvještaju Budžeta Federacije BiH za 2009. i 2010. godinu

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, uz tri glasa protiv i uz sedam uzdržanih glasova, prihvatio revizijski izvještaj o izvršenju Budžeta Federacije BiH za 2009. i 2010. godinu i Izvještaj Parlamentarne komisije odgovorne za reviziju o revizijskom izvještaju Budžeta Federacije BiH za 2009. i 2010. godinu sa sljedećim:

ZAKLJUČIMA

1. Parlament Federacije BiH obvezuje revidirane institucije da sačine plan i program otklanjanja nedostataka utvrđenih revizijom i u roku od 90 dana izvjestie Parlament Federacije BiH o njihovom realiziranju.
2. Traži se od Vlade Federacije BiH da zbog nedosljedne provedbe Zakona o javnim nabavkama napravi analizu nedostataka utvrđenih revizijom i uzme u obzir mogućnost centralizacije nabavki tipskih roba i usluga putem Službe za zajedničke poslove Vlade Federacije BiH.
3. a) Usvojiti jedinstveni dokument politike Vlade Federacije BiH o upravljanju prostorima u vlasništvu Federacije BiH,
b) prioritetni smještaj institucija i organa Federacije BiH u vlastite prostore,
c) usvojiti provedbene dokumente po kategorijama i vrstama prostora kojima se gazduje uspostavom jedinstvenog registra prostora.
4. Zadužuje se Vlada Federacije BiH da implementira Zakon o internoj reviziji u javnom sektoru u Federaciji BiH.
5. Parlament Federacije BiH u prvoj polovini 2012. godine održat će tematsku sjednicu na temu "Politika grantiranja u Federaciji BiH".
6. Zadužuje se Vlada Federacije BiH da pripremi i u parlamentarnu proceduru uputi Zakon o fiskalnoj odgovornosti.
7. Parlament Federacije BiH zadužuje Parlamentarnu komisiju odgovornu za reviziju da u sklopu izvještaja o reviziji Budžeta i korisnika budžeta Federacije BiH za 2011. godinu sačini prijedlog mjera za postupanje

prema institucijama koje budu imale negativne izvještaje Ureda za reviziju, kao i za institucije sa utvrđenim značajnijim nepravilnostima.

11. Izvještaj o radu Nadzornog odbora Federalnog zavoda za penzijsko i invalidsko osiguranje za 2010. godinu

Sa 36 glasova za, uz dva glasa protiv i uz devet uzdržanih glasova, Dom naroda Parlamenta Federacije usvojio je sljedeći:

ZAKLJUČAK

Dom naroda Parlamenta Federacije BiH usvaja Izvještaj o radu Nadzornog odbora Federalnog zavoda za penzijsko i invalidsko osiguranje za 2010. godinu.

12. Izvještaj o provedenoj javnoj raspravi o Nacrtu Zakona o koncesijama u Federaciji BiH

Sa 37 glasova za, uz tri glasa protiv i uz sedam uzdržanih glasova, Dom naroda Parlamenta Federacije usvojio je sljedeći:

ZAKLJUČAK

1. Dom naroda Parlamenta Federacije BiH prihvata Izvještaj Odbora za privredu o provedenoj javnoj raspravi o Nacrtu Zakona o koncesijama u Federaciji BiH.
2. Zadužuje se Vlada Federacije BiH da na osnovu dostavljenih primjedbi u javnoj raspravi na Nacrt Zakona o koncesijama u Federaciji BiH pristupi izradi prijedloga Zakona o koncesijama u Federaciji BiH.

Sjednica je završena u 11.10.

Transkript sjednice čini sastavni dio Zapisnika.

SEKRETAR

Izmir Hadžavić

PREDSJEDAVAJUĆA

Karolina Pavlović, prof.